## 0.0.1 uddakasuttam

1. uddako¹ sudam bhikkhave rāmaputto evam vācam bhāsati.

idam jātu vedagu, idam jātu sabbajī<sup>2</sup>; idam jātu apalikhatam, gaṇḍamūlam palikhaṇi'nti.

- 2. tam kho panetam bhikkhave uddako rāmaputto avedagūyeva samāno vedagū'smīti bhāsati, asabbajīyeva samāno sabbajī'smīti bhāsati, apalikhatam³ yeva ganḍamūlam palikhatamyeva ganḍamūla'nti bhāsati.
- **3.** idha kho tam bhikkhave bhikkhu sammāvadamāno vadeyya.

idam jātu vedagu, idam jātu sabbajī; idam jātu apalikhatam, gandamūlam palikhani'nti.

**4.** kathañca bhikkhave bhikkhu vedagu hoti? yato kho bhikkhave bhikkhu channaṃ phassāyatanānaṃ

<sup>&</sup>lt;sup>1</sup>udako - machasam, syā. pts page 083

<sup>&</sup>lt;sup>2</sup>pabbaji - syā.

<sup>&</sup>lt;sup>3</sup>apalikhātam - sī 2.

samudayañca atthagamañca assādañca ādīnavañca nissaraṇañca yathābhūtaṃ pajānāti, evaṃ kho bhikkhave bhikkhu vedagu hoti.

- 5. kathañca bhikkhave bhikkhu sabbajī hoti? yato kho bhikkhave bhikkhu channaṃ phassāyatanānaṃ samudayañca atthagamañca assādañca ādīnavañca nissaraṇañca yathābhūtaṃ viditvā anupādāya vimutto hoti. evaṃ kho bhikkhave bhikkhu sabbajī hoti.
- 6. kathañca bhikkhave bhikkhu no apalikhataṃ gaṇ-ḍamūlaṃ palikhataṃ hoti? gaṇḍo'ti kho bhikkhave imassetaṃ cātummahābhutikassa kāyassa adhivacanaṃ mātāpettikasambhavassa odanakummāsūpacayassa aniccucchādana parimaddana bhedana viddhaṃsanadhammassa. gaṇḍamūla'nti kho bhikkhave taṇhāyetaṃ adhivacanaṃ. yato kho bhikkhave, bhikkhuno taṇhā pahīnā hoti<sup>4</sup> ucchinnamūlā tālāvatthukatā anabhāvakatā āyatiṃ anuppādadhammā. evaṃ kho bhikkhave bhikkhuno apalikhataṃ gaṇḍamūlaṃ palikhataṃ hoti.
- **7.** uddako sudam bhikkhave, rāmaputto evam vācam bhāsati;

idam jātu vedagu,

bjt page 178

<sup>&</sup>lt;sup>4</sup>honti - machasam.

pts page 084

idam jātu sabbajī; idam jātu apalikhatam, gandamūlam palikhani'nti.

- 8. tam kho panetam bhikkhave, uddako rāmaputto avedagūyeva samāno vedagū'smīti bhāsati. asabbajiyeva samāno sabbajī'smīti bhāsati. apalikhatamyeva gandamūlam palikhatamyeva gandamūla'nti bhāsati.
- **9.** idha kho tam bhikkhave, bhikkhu sammāvadamāno vadeyya:

idam jātu vedagu, idam jātu sabbajī; idam jātu apalikhatam, gaņḍamūlam palikhaṇi'nti.